

## **Communicaziun**

### **Encuretǵ partenaris da locaziun cun concept innovativ per localitads da fatschenta ella casa nova dalla Staziun a Glion**

**Glion, ils 9-10-2023** – Cun ina publicaziun enqueran la Regiun Surselva e la vischnaunca Ilanz/Glion, communablamein culla Viafier retica (RhB) sco locatura, ina partenaria da locaziun resp. gestiun adattada ch'ei habla da generar ina plivalur pigl object. Ei setracta d'ina surfatscha da ca. 125 m2 en in liug central el plaunterren dalla futura Staziun nova dalla Viafier retica a Glion.

La surfatscha da locaziun ei da muntada centrala per l'entira regiun sco era per la vischnaunca Ilanz/Glion. La posiziun alla Staziun nova porscha aultas qualitads d'interacziun culla populaziun indigena e semegliontamein cun pendularis e hosps dil di. Il liug ha il potenzial da daventar e representar la carta da viseta e la porta da beinvegni dalla regiun e dalla vischnaunca.

Dumandaus ei in néz attractiv e datier al publicum. Quel duei augmentar supplementaramein las qualitads digl areal dalla Staziun ed accentuar relaziun ed ils interess specials cun e per la Surselva.

Propostas ein giavischadas da secturs multifars sco p. ex. commerci da detagl e gastronomia, mistregn e mobilitad, spazi da promoziun industriala. Plidentai explicitamein ein era cultura, socialesser ed artisanadi. En quei senn ein producents, survetschs, commerci e mistregn, glieud dalla cultura, commerci da detagl sco era gastronomia envidai d'inoltrar in concept da menaschi per la surfatscha menziunada – seigi quei sco partida singula ni sco gruppa. Pusseivels ein era concepts mischedai en collaboraziun da diversas gestiuns. Cundiziun decisiva ei che las candidaturas sepresentien sezzas sco gestiunarias dil concept e ch'ellas seigien prontas da fixar in contract da locaziun a liunga durada (minimalmein 5 onns) culla locatura RhB.

Ell'emprema fasa san interessentas ed interessents inoltrar ina descripziun cuorta da lur concept general da gestiun ensemen cun valurs da basa dil concept economic. El pass che suonda vegnan la responsabla dalla publicaziun e la locatura a contactar las gestiuns las pli adattadas. Gestiuns che vegnan ella selecziun stretga, ston inoltrar ulteriuras actas. La procedura exacta vegn discutada culs interessents elegi.

Per ulteriuras informaziuns s'adrebbei per plascher al secretariat dalla publicaziun, il biro Kontextplan.

#### **Secretariat dalla publicaziun Kontextplan**

**Dr. insch. Götz Datko**

meinaproject

[ilanz@kontextplan.ch](mailto:ilanz@kontextplan.ch)

T direct 043 544 05 54

T biro 043 544 05 55